

陵川縣志

庫增銀題

陵川縣志卷九下

女

金武公甫妻路氏以子貴累贈太夫人性淑惠通經史課二子天佑天和讀書雖盛暑嚴寒肅然端坐策之不使懈天佑詣京省季父文端公文端公命之試不第歸文端公奇其文遺書於家謂姪今試不幸不早第太夫人曰幸未第耳倘倖成名授以政事寧無美錦學製之譏耶更遲十年應試未爲晚也遂令二子閉戶讀書殫心理學後皆廷試第一

郝思溫妻許氏文忠公母多大節值北鄙用兵舉家逃匿山谷間舅卒旣禫與夫決策歸葬諸父兄以河朔兵亂不許乃夜啟殯

竊骸以遁至衛之長垣賊衆單重等行剽掩至人皆入窟室氏獨不去守骸以坐曰寧死可棄我翁之靈而求生乎賊至將兵之不爲之動賊厲聲曰若所守者何寶貨曰我翁之靈將歸葬先塋幸得濟河有死而已賊感愴壯其節遺白金數兩而去經旣長父欲其理家事紆日前急氏曰是兒志氣不凡况郝氏儒家淵源不竭可自我而涸乎我等忍窮數年俟之經感憤力學一日雞初鳴經猶伏几案書帙紛綸殘燈無焰氏見之慨嘆曰兒若是望不虛矣然毋進銳退速也

明韓時妻牛氏夫亡無子年二十三誓守一節紡績養姑洪武七年旌表崇祀節孝

武繼姑父母早亡依兄簡議贅里人張旺爲壻未婚會簡有五臺役以旺代旺病歿役所同行函骨歸繼姑哭之慟叔母李曰何慟爲再擇所從爾繼姑云婦人守一安得此語是夕投繯死正統間旌表崇祀節孝

和憲妻蘇氏生子甫週憲歿氏年二十二甘貧守節始終不渝成化間旌表崇祀節孝

進士武思明妻姬氏思明早卒氏年二十五清閨自閼誓不易心正德間旌表參政王尙綱以雪竹詩題其壁祀節孝

生員武來遠妻韓氏遠歿遺腹生子世喜氏年二十翁姑在堂家貧食力生事死葬動合禮則州守馬汝驥上其事行縣表免子

役崇祀節孝

生員張智妻杜氏夫亡無子守節自誓見再醮者以狗斃目之年八十二孀徐模以禮合葬崇祀節孝

李嗜妻王氏夫亡遺腹子一躬勤紡績以育孤兒年八十卒崇祀節孝

趙源妻王氏年十九而源亡生子慶方七月終身紡績養姑育子姑歿葬之成禮成化間旌表崇祀節孝

張真妻李氏年二十五夫亡子完僅一歲絕膏毀容誓不易志育孤成立以延張氏之脈成化間旌表崇祀節孝

舉人王潔妻和氏潔亡和年二十七孀居守節訓子如玉習父業

以歲貢授吳橋縣訓導成化間旌表崇祀節孝

府判張信妻馬氏夫卒於官一寒如洗依庶子爲命鄰里多慕其賢崇祀節孝

生員馬思騮妻郭氏幼有志節歸馬不久夫亡撫育幼孤經歷寒苦白首不易崇祀節孝

生員都一龍妻婁氏少許配龍龍病篤迎歸甫一月龍歿氏年十六念舅姑失所忍死孝養冰貞不斲年逾八十萬曆年旌表崇祀節孝

郎娥兒貧女也議配侯存兒少養其家會有惡少窺之乘翁姑偶出遂逼之娥峻拒得脫不逾刻投繯死惡少遂正法萬曆間旌

表崇祀節孝

生員王克耔妻寧氏夫卒撫孤學禮爲邑庠名士又早歿氏躬紡績年八十而終大府旌表之崇祀節孝

生員婁子遇妻郎氏年二十喪夫遺孤繼世方七月艱苦育之成立甫授室而亡遺媳徐氏孝姑守節有司表其雙節崇祀節孝

生員徐炯妻趙氏年十六炯卒無子女貧不能舉喪資力母家年遇六十茹荼自甘傭指過甚多至夜分遂傷一日事聞旌表建坊崇祀節孝

生員婁子進妻徐氏年二十二孀居無子守節六十餘年內外稱之有司旌獎崇祀節孝

舉人韓國賓妻李氏夫亡年二十四矢志撫孤垂四十年祝觀察
題云出敦詩說禮之家真植紀維風之骨志守共姜孤全趙氏
崇正間坊表恩賜粟布崇祀節孝

宋希堯妻徐氏夫亡年十八遺腹生子廷彥督教食餼庠序得貢
觀察郭題請云十八斷絃于瑟瑟近期遺腹于薰蓀淒涼於可
生可死之間烈與慈並調劑于爲愛爲勞之益子以母成香流
奕世榮重巖坊萬歷間勅旌崇祀節孝

宋希文妻李氏年二十而寡投繯數四卒以救蘇賴兄撫孤廷瓚
爲諸生年八十五恩賜粟布崇正間旌表建坊崇祀節孝

省祭王學孟妻段氏事姑孝嘗以舌舐姑瘡時流賊猝至姑病臥

同兒媳牛氏委曲存孤侍姑不捨賊侵之罵賊被害與其媳同受刃而死崇正間旌表崇祀節孝

生員王咸一妻牛氏即段氏媳也與姑侍祖姑並遇害事聞旌爲雙烈崇祀節孝

馮一鳴妻武氏年十八鳴卒無子嚴守閨門紡績度日有司旌表崇祀節孝

武松清妻王氏清卒撫一子立志不渝守節終身有司旌表崇祀節孝

郎應堂妻蘇氏堂早卒禮事姑盡孝操守肅清有司旌表

趙守庫妻馬氏年二十五夫亡撫育遺孤甫得成立年已七旬有

司旌表崇祀節孝

韓朝士妻李氏年二十士亡士家本貧窮氏撫孤成長永堅金石
有司旌表崇祀節孝

徐黨妻賈氏年二十二夫亡饑寒交迫守節不變有司旌表崇祀
節孝

生員王餘慶妻和氏年二十五夫亡孀居守節撫育遺孤堅苦不
變其操崇祀節孝

徐必昌妻趙氏年十九夫亡歷盡艱苦教子遊庠有司旌表崇祀
節孝

武鎮宇妻都氏巡按祝題云松筠清操鐵石剛腸崇正間旌表崇

祀節孝

武新民妻馮氏夫亡氏年十八屢欲自盡以苦勸慰藉得不死守

節終身有司旌表崇祀節孝

寧承法妻張氏年二十三夫亡氏厲志守節有司旌表

節婦都氏憲綱失其夫姓名崇祀節孝

清生員都養德妻李氏年二十孀居撫孤迄于成立順治間旌表

崇祀節孝

邑令李向禹妻王氏姜瓌亂兵猝逼城下氏曰君往矣守土無以

家爲向禹率內騎出捍氏以白練縊于中堂有二婢從之

附載

關中順妻王氏年十六夫亡翁姑憐其少欲嫁之氏抵死不從守

節畢世崇祀節孝

焦崇保妻郭氏鬻飯爲生崇保歿守節不渝崇祀節孝

指揮武存智妻郭氏年十九指揮陣亡無子女氏守節不二人無

閒言崇祀節孝

生員王亮采妻婁氏亮采出繼叔嗣姜瓌變所生父母失養賴氏

委曲調停隱行其孝邑令給匾旌獎崇祀節孝

靳天挺妻牛氏年十八而寡子在襁褓有諷別嫁者氏剪髮瘳而

明其不二曰兄爲孝子吾不能爲節婦乎終不奪孝子者甲子

舉人牛烱父牛魁斗也崇祀節孝

貢生王四門妻都氏家貧女紅佐養有孝名比姑歿舅耄孝謹愈

摯舅謂四門曰汝婦賢能爲我撫少子四岳無何四門亦歿氏當室四十年舉遺命哀切督課幼叔後叔四岳遊庠邑令旌之
崇祀節孝

姚之銛妻郭氏幼孩許字後之銛貧且病父母有悔意氏決計求死恐滋他議遂歸姚之銛尋歿氏年二十六歲苦志撫孤至死不怨督學汪灝表其閭崇祀節孝

千總武柱國妻王氏二十七喪夫二孤孱幼屢遭兵荒間關得全食貧教子武毅入泮壽八十終毅亦爲孝子崇祀節孝

生員武立幼妻王氏幼孀女訓得姑懽年二十七喪夫守貞不二撫孤武雅爲名諸生泣曰吾初不殉汝父死者徒以汝耳汝能

成立吾願畢矣雅亦孝子知縣匾旌崇祀節孝

生員王者儻妻蘇氏二十二歲無子女舅姑垂白竭力甘旨舅得
晚子甫四歲舅卒氏撫育盡心俾成立焉崇祀節孝

生員張起鵬妻李氏夫亡氏年二十八紡績撫孤

武鵬程妻楊氏二十八歲夫亡苦志守節崇祀節孝

宋景星妻李氏夫亡氏年十九無子女立志晚節尤難得者崇祀
節孝

趙時通妻王氏夫亡年二十七矢志守節壽七十四歲有司旌獎
崇祀節孝

貢監徐之琦妻馬氏夫死撞棺頻絕鄰媪救活守節全貞崇祀節

孝

王文穉妻曹氏金石盟心冰霜厲操年及七十六歲崇祀節孝

貢生婁銘妻秦氏千里扶櫬青年矢志白首完貞崇祀節孝

牛自通妻秦氏矢志靡他堅守節操教子成立崇祀節孝

廩生婁繼爵妻牛氏年二十一而寡遺孤方三齡矢志守節教子

成立崇祀節孝

都基泰妻李氏年二十一而寡並無子女可依孝事孀姑始終不

渝崇祀節孝

生員曹亮妻王氏年二十孀居撫三歲兒及遺腹子俱成立崇祀

節孝

生員和暢妻徐氏年甫二十子方一歲夫亡苦節撫孤五十年如一日崇祀節孝

序班王文炳繼妻朱氏年二十四夫故撫前妻子不異己出人稱其賢崇祀節孝

都如興妻武氏守節全貞始終無間崇祀節孝

監生馮學謙妻高氏年二十五夫亡矢志守節初終一致崇祀節孝

生員王牧民妻趙氏堅貞守節不易其操崇祀節孝

盧騰雨妻陳氏家故貧夫死益困陳自甘荼苦歷久不易崇祀節孝

李得會妻張氏守節惟一女相依女即烈女大姐也崇祀節孝

李得會女大姐父歿與母張相依爲命幼許字郝二耄待年而夫歿女時年十九聞之不淚亦不語矚母往唁撫膺一慟以絮塞其喉投繯死郝氏感之迎其柩歸與二耄合葬於魯山村邑令平表其門曰一門節烈崇祀節孝

靳居美妻王氏于歸未久居美遭火死於中州氏聞訃七日不食竟悲號而死崇祀節孝

王烈妻張氏年十九夫亡氏即持刀自刎家人驚覺救免越二日伺守者稍怠潛縊夫柩旁葬之日闔村往送墓門崇祀節孝

徐可久妻趙氏夫亡氏二十八歲翁尙在堂子承宗方三齡赤貧

如洗氏飲血傭針爲俯仰資事翁盡孝教子成名崇祀節孝

廩生徐承宗即趙氏之孤妻王氏年二十四夫亡克遵姑訓不以貧改操教二子長牲乾隆辛酉科副元次喆廩貢生學使劉旌其門曰一門雙節崇祀節孝

廩生李蒞妻范氏年二十五夫亡矢死靡他撫孤成立學使劉旌其門曰柏舟遺躅崇祀節孝

廩生馮君就妻姬氏年二十八歲夫故姑老子幼氏事姑盡孝教子成名年七十五而卒里鄰稱之崇祀節孝

生員馮滬妻韓氏夫亡氏年二十六與孀姑姬氏朝夕相依矢無二心兩世冰節後先輝映崇祀節孝

生員閻達妻李氏年未三旬夫故無嗣竟以節終學憲朱旌其門
曰寒松古雪崇祀節孝

婁必顯妻劉氏年二十四歲夫故家無升合矢志靡他享壽七十
五歲而終崇祀節孝

馬佐妻焦氏佐亡焦年二十二誓死從夫地下以姑老忍死奉姑
始經不渝崇祀節孝

張理妻武氏夫早亡家貧子幼茹荼飲蘖誓志守節邑侯蔣旌其
門曰蘭谷幽馨崇祀節孝

馬冲海妻徐氏年二十六歲夫亡家貧傭針撫孤卒自成立年七
十三歲而終崇祀節孝

馬錦妻趙氏錦亡氏年二十三歲上事翁姑下育幼子始終如一
崇祀節孝

王達妻都氏年少而寡矢志苦守繼姪承嗣人皆義之崇祀節孝
武唐妻李氏年二十四夫亡撫孤守節教子成立崇祀節孝
武煥章妻馮氏十八歲夫亡並無子女苦辛守節崇祀節孝
馮潤妻王氏年二十七夫亡心同金石堅不可移崇祀節孝
牛祐妻都氏二十四歲夫亡堅守志節誓無二心崇祀節孝
婁曠妻張氏夫亡年十九歲紡績自給撫子成立崇祀節孝
王世洪妻馮氏年二十八歲夫亡撫育繼子堅守水節崇祀節孝
生員劉原妻董氏年二十六夫亡越三日始生遺腹子堅守水節

不以貧窶易其心享壽七十五歲崇祀節孝

蘇正坤妻秦氏二十五歲夫故子甫二歲撫之成立崇祀節孝

張翔妻何氏夫早亡遺二孤甫成立而二孤皆亡尤節中之最苦者崇祀節孝

宋喜春妻李氏二十五歲夫亡立志全節貧淡終老崇祀節孝

趙宗省妻傅氏年少夫亡家貧守節崇祀節孝

生員任嵩年妻常氏二十三歲夫亡生子方八月矢志守節撫子

成名學憲勵旌其門曰雪白松青崇祀節孝

張星燦妻都氏夫早亡守志不渝自甘茶節崇祀節孝

張義妻都氏夫亡家貧嚼柏茹茶苦節終身崇祀節孝

宋君西妻焦氏年二十三夫亡守節弗渝崇祀節孝

蘇百順妻韓氏年二十四夫故撫幼子成立事翁姑克孝紡績自給始終不渝崇祀節孝

廩生劉堯封妻賈氏賦性溫良持家貞靜夫亡年方二十五歲松柏盟心荻熊教子崇祀節孝

楊滢妻劉氏年二十七氏本詩禮之族嫺閨範之教夫亡堅貞自矢始終一節崇祀節孝

李訥妻武氏夫亡年二十七撫孤成立人無間言崇祀節孝

曹灝妻趙氏年二十八夫亡一子甫三歲氏沉默寡言夫病篤時以氏年少恐不能守託孤子宗戚及夫歿後氏冰操凜然撫育

遺孤卒至成立人咸比諸歲寒松柏云崇祀節孝

李星妻焦氏年二十六夫亡孤八歲一貧如洗嫂欲奪而嫁之氏訴於家長而免後諸孫遶膝克慰氏志崇祀節孝

李甲妻楊氏夫亡年二十四家貧事姑益謹撫孤全貞年七十餘而卒崇祀節孝

曹戶妻武氏年二十二夫故子幼撫孤守節孤已入邑庠又亡立孫承嗣艱苦備嘗崇祀節孝

郭世勳妻王氏年二十七夫亡氏傭針度日撫三月遺孤以迄成立崇祀節孝

曹署光妻秦氏年十九夫亡守節氏性至孝姑沉病三載諸藥不

効氏割股肉調羹誓服單衫三年以禱祀求姑病愈姑果痊邑
令王旌其門曰事撫全節年六十九卒崇祀節孝

李尙妻李氏夫亡年二十一子週歲撫孤艱辛族黨稱歎

李兆籌妻周氏夫亡守節氏性不寶珠翠而甘荆布訓孤以義方
勤儉成家崇祀節孝

和英妻徐氏年二十七守節克盡婦道教子成立克紹青箱崇祀
節孝

徐希聖妻都氏少年守節白首完貞崇祀節孝

郭四妻趙氏年十八歲其夫以傭工自給病臥彌年氏以女工易
食夫故泣盡繼血遂自縊夫旁崇祀節孝

廩生武瞻妻李氏年二十三夫亡守夫命誓不他逝無愧世族之裔崇祀節孝

寧聚平妻秦氏夫故氏始十九饑寒日迫守節不變崇祀節孝

廩生焦鵬南妻楊氏年二十七夫亡守節不易王州守額其門曰

筠松比節壽享七十崇祀節孝

韓自愛妻李氏二十三歲守節邑侯王額其門曰節孝完貞崇祀節孝

武敬勝妻秦氏二十三歲淡泊自甘苦節終身崇祀節孝

和聚才妻蘇氏二十六歲守節撫孤終身不二崇祀節孝

楊維鑑妻傅氏年二十三歲夫故遺子淳方週歲柏舟自矢教子

成立崇祀節孝

牛伯清妻李氏年二十九夫被賊逼死氏罄家所有以葬夫立志守節教子成立可稱女中丈夫崇祀節孝

秦夏妻申氏年二十八歲夫亡子蘇梅甫成童氏艱苦備嘗訓子成立壽七十二而終崇祀節孝

郭成妻楊氏年二十二歲夫亡自益楛前署縣遼州王額其門曰明倫砥俗崇祀節孝

郭維漢妻李氏年二十六歲夫亡守節不易崇祀節孝

侯敏妻原氏年二十二歲夫亡守節白首全貞崇祀節孝

原春妻張氏年二十八歲夫亡守節撫孤誓無二心崇祀節孝

任瑞齡妻李氏年二十七歲夫亡上事翁姑下撫藐孤崇祀節孝
李相妻蘇氏年二十七歲夫故柏舟矢志育姪繼嗣至成立崇祀
節孝

李新怡妻楊氏夫亡年二十五歲守節不渝克盡婦道崇祀節孝
原通江妻段氏夫早亡撫遺腹子立志守節終始無玷年七十餘
而卒崇祀節孝

王若熙妻李氏夫亡矢志守節鄰里皆稱其賢崇祀節孝

生員都來遠妻劉氏二十七歲夫亡守節事姑訓子三十餘年參
府王旌其門曰貞孝崇祀節孝

生員王元郇妻都氏二十八歲夫亡矢志柏舟教子成名壽七十

而卒崇祀節孝

李進升妻李氏年二十一歲夫亡子幼甘心守節八十二歲而卒

崇祀節孝

王歛妻馮氏年二十四夫亡一貧如洗甘心守節隣里皆稱其賢
邑侯林旌其門曰松筠冰操崇祀節孝

牛燦妻李氏年二十八歲夫亡繼姪承嗣堅守冰節人稱其賢崇
祀節孝

傅珍妻牛氏夫亡年二十五歲繼子承嗣亦天氏獨力爲舅姑營
葬事事盡禮壽七十三而終崇祀節孝

王一貢妻馮氏夫亡二十九歲弱叔二撫立成人幼子四三人入

庠壽八十八歲終訓導王額其門曰貞節崇祀節孝

王有聲妻路氏即一貢之媳夫亡二十二歲守節矢志撫幼百折不磨壽八十八終訓導王額其門曰女中嬰杵崇祀節孝

張天恩妻李英姐年十七歸天恩未踰一年天恩寢疾甚死矣英姐號泣悲哀不食已復將己衣徧身縫劇遂投繯自絕天恩復甦翼日天恩仍死崇祀節孝

徐五教妻王氏年二十五歲五教業儒自館歸病不起氏即粒米勺水不入口家人勸慰矢志不移五教歿後越七日防少疎仍投繯遂志崇祀節孝

侯玉春妻張氏爲縣民張迎喜圖姦毆逼氏矢志節烈甯死不污

迎喜勒其頸並刃其腹死迎喜梟首張氏奉部題請建坊旌表
設位於節孝祠

焦洪楷妻周氏年二十六夫亡僅一子七歲族屬無依矢志守節
傭針自給糟糠不厭卒教子成立壽七十餘

郭士祥妻武氏年二十八夫亡守節撫孤鎮僅二歲卒至成立入
縣庠鎮又早亡鎮妻馬氏撫孤秉仁甫六歲兩世守節存孤不
絕如綫鄉鄰稱仰之

生員李國柱妻劉氏貢生堯裔女夫亡氏年二十八無子女誓守
苦節賢孝親睦庭無閒言

孫景福妻張氏夫亡守節遺孤二長謙次謚皆幼稚家貧艱苦教

育成立

孫謙妻郭氏夫亡守節事姑以孝撫孤以慈鄉里咸稱之

孫謐妻李氏夫亡年二十九守節事姑撫孤克盡其道

武范妻王氏年二十九夫亡遺孤延昭方一歲家無升斗矢志苦節宗族敬仰誨子女終能成立歷節三十五年

李協恭妻武氏年二十七夫亡無子祇生三女甯甘餓死誓不他逝備針自給艱辛備嘗歷節三十五年

武備妻張氏年二十八夫亡屢欲身殉復念孀姑垂白遺孤襁褓遂忍苦上事老姑撫子元超入縣庠超能奉母訓以忠厚飭躬氏六十七卒

寧良臣妻馬氏年十九夫亡氏苦節自守子一方二歲零丁孤苦
卒能撫育人鄰族稱其冰霜成性備嘗辛苦允堪紀載以厲
清操

董琰妻馬氏農家女也年二十八夫亡遺孤二長甫六歲次初
離襁褓氏甘心守節撫子成人

都鵬妻蘇氏年二十七鵬時充兵吏解餉歿於西陲氏苦節以屢
線爲生上奉繼姑下育稚子有司旌曰完璧

李芳妻王氏年二十九夫亡一子萬資氏家貧苦守以紡繩自給
撫孤成立年六十六而歿邑令雷匾旌曰操凜冰霜

徐之坤妻韓氏年二十九夫亡子一甫三歲氏絕無依庇守節撫

孤備極艱苦年七十九歿

生員盧天植妻郭氏夫亡子一昌復天盧氏七門乏嗣矢節存宗
訪論繼孫萬順承祧七門之祀斬而復續歷節三十三年

徐俊妻王氏年二十七夫亡子一甫六歲氏堅心撫孤歷節四十
四年而歿

生員馬勳妻和氏年二十八夫亡子三歲氏冰清自矢撫孤成人
歷節三十年

牛賓妻段氏年三十夫亡家貧子幼並無依倚孀姑在堂奉養維
艱氏不惜劬勞上事姑下撫孤苦節四十九年而歿

吳文經妻李氏年二十五夫亡子六歲氏守苦節者五十八

王作斌妻劉氏年二十五夫亡家貧苦節一子於中年復歿所遺
二孫幸得成立

吳廉芳妻劉氏年二十一夫亡並無子女矢志守節好行善事闔
鎮欽敬年七十四歿

和耿妻段氏年二十八夫亡子一方週歲苦志守節撫孤成立

生員焦系炎妻李氏年二十六夫亡遺孤二歲家計貧薄堅守苦
節上事翁姑下撫稚子子年至十八氏歿之婦道已克盡矣
秦元妻楊氏年二十四夫亡一子三歲而夭氏誓守苦節立嗣承
祧居僻鄉日課耕耘以成家業今嗣子生孫元之先不至若敖
之餒者氏之力也年七十六而歿

生員焦遇龍妻王氏年二十七夫亡遺孤欽甫四歲上事翁姑生
養死葬下撫弱子訓讀父書苦節三十三年

趙燕妻宋氏年二十七夫亡一子僅二歲赤貧苦節上葬翁姑下
育藐孤年六十一耳目皆無見聞因頻年艱辛所致閭里莫不
歎仰苦節三十八年

馬楚妻王氏年二十九夫亡遺孤一氏奉事翁姑克盡孝道教子
成立得列膠庠年六十四歿

馬子熊妻王氏年二十八夫亡一子十歲身無一椽之棲盡無一
斗之粟母子相依惟勤十指晝夜不息卒能爲子娶妻以延宗
祚苦節三十二年

武生郭彥妻郝氏年二十五夫亡遺孤二一甫六歲一僅數月氏守節養姑克盡孝敬訓二子成立以耕讀爲生歷節三十四年趙宿妻李氏年二十三夫亡並無子女氏欲立殉戚屬苦勸宿從弟輔將己子君寶承祧氏一生孝事翁姑歲時祀享無缺歷節二十七年

趙坤妻楊氏年二十七夫亡子一甫六歲矢志守貞撫孤成立歷節四十五年

生員李植本妻馬氏即節婦范氏之媳年二十八夫亡上有八旬之節母下皆髻鬣之嬰兒家淹兩世之棺野寄三喪之骨氏苦節存孤姑亡又復竭力營葬復兼葬數喪卒訓二子成立氏蓋

不獨苦節可傳其有功於李氏者亦不淺矣

增生王如旦妻徐氏如旦婚後屢就學於高平氏獨事翁姑凡承顏視膳靡不曲盡當一門染疾時如旦正在沉疴中而翁姑相繼瀕危氏侍湯藥衣不解帶者數月及如旦少蘇而翁姑垂斃氏於愴荒中殮具畢備如禮後如旦歿氏以勤儉持家年八十二孫曾森立本府太守朱顏其庭曰靈萱晝永

楊瑄妻郭氏年二十四夫亡赤貧如洗氏甘心守節窮且益堅趙琨妻秦氏年二十六夫亡善事翁姑克盡婦道撫養遺孤成立一生冰霜自矢

申繼祥妻蘇氏年少守節至七十八歲始終不渝鄉里敬之

宋加顯妻劉氏從容甘節教子義方數十餘載備歷風霜宛如松柏

郭璣妻焦氏夫亡氏年二十並無子嗣終日悲啼誓死不二以終苦節

秦名鴻妻路氏年二十五夫亡守節遺孤五歲後子復天氏苦節依姪夏以終其身至七十三歲歿

王承前妻張氏年二旬夫亡子方襁褓氏志切冰霜事翁姑以孝敬撫孤幼以義方從容就義曲成夫志前令胡給匾旌之

婁彩鳳妻和氏夫早喪苦節四十載紡績撫孤冰操如一

張延武妻吳氏年二十二夫亡子方五齡事姑喪葬盡禮撫孤教

養成立艱苦備嘗鄉黨稱之

王殿妻徐氏年二十六夫亡無子甘守冰節孝養翁姑撫繼子成立

馬羸會妻程氏夫亡子幼仰事俯育艱苦備歷年五十八而終鄉黨稱焉

生員馮準妻張氏年二十六夫亡堅志守節教子入泮孝慈冰操足以風世

李乾妻楊氏夫亡無子矢志守節茹荼自甘壽六十八歲

徐承講妻張氏夫亡撫孤守節端嚴教子成人苦節三十六年

以上

均載
舊志

武生任世熊妻趙氏年十五歸世熊姿性端淑事孀姑常氏曲盡
婉婉世熊卒氏年二十六一子永泰方三歲老姑少婦支持門
戶劬勞况瘁有難言者卒能督其子以有立俾任氏之緒延而
不墜孫步清步雲並入武庠

武金錫妻馬氏年二十六夫亡家貧如洗氏紡績爲生撫二子成
立守節五十八年壽八十四歲邑侯陳旌其門曰節壽流方

周允業妻王氏年二十六夫亡遺子尙在襁褓氏立志守節撫育
幼子備歷艱辛守節二十七年壽五十二歲

秦金牛妻王氏年二十四夫亡子幼家貧如洗矢志守節撫育二
子成立壽五十七歲

張五保妻王氏年二十二歲夫亡遺子長三歲次一歲貧甚家人勸其改嫁氏立志不移奉舅姑甚孝撫二子成立壽七十三歲

趙二池妻張氏年二十六夫亡家貧孀嫂改嫁氏矢志彌厲撫姪成人壽七十三歲

徐天保妻牛氏年二十三夫亡子甫二齡家貧守節撫孤艱苦備嘗壽七十二歲

張哲妻傅氏年二十四哲亡遺二子盡心撫養處妯娌間有艱苦事輒自任嫂氏故苦磨之終無怨色嘗曰熒熒在疚皆伯兄是賴一身之苦何足恤歷節三十一年

傅二則妻李氏年十九夫亡撫遺腹子苦節自甘年四十九歲而

終

李允豐妻李氏年十七允豐卒氏慟不獨生誓以身殉遂投繯死
庠生李懷刑妻徐氏年二十五夫亡無子兄憫其孤苦欲令再醮
氏立志自守之死靡他撫繼子遵禮慈愛篤摯後成立克繼家
聲

曹庶妻楊氏年二十六庶亡氏屢尋自盡家人防閑甚密後因父
母數勸勉遵父命孝養翁姑歷盡荼苦平居足未嘗輕踰門外
人罕見其面爲夫繼嗣教誨成立壽七十三歲

徐本豐妻郭氏年十九本豐亡氏矢志守貞孝於翁姑和於妯娌
撫繼嗣如己出守節三十二年壽五十三歲乾隆三十三年郡

守吳喬齡旌其門曰節並松筠

段六孩妻張氏張玉口女年二十二歲翁姑早卒夫亡無子氏慟不欲生即日登樓自縊死邑令劉公匾旌之

平喜愷妻王氏草坡村王某女年二十七夫亡無子氏悲號欲絕既屬其夫叔曰善事父母我將從於地下次日遂自縊於柩旁王以能妻馮氏年三十歲夫亡無子氏絕粒不食家人苦勸不從越七日卒邑侯劉旌其門曰烈節可風

武君聘妻和氏年二十六君聘病亡無子氏誓死相從越一月氏生父憐其年少微以言勸之氏聞悲號不食越五日而死

秦克治妻傅氏邑吏員傅勳女也年十七歸克治踰歲生一子甫

三月克治卒氏哀痛絕粒翁姑諭以死易立孤難氏飲泣受命
立志撫孤未幾子得癩症殤氏拊膺長號曰我所以偷生者爲
此一塊肉耳今無望矣遂悲鬱成疾而亡

秦二則妻郭氏年二十二歲夫亡無子氏即日自縊死

薛志魁妻王氏夫亡年甫二十篤志堅守或憫其貧苦勸之改適
氏泣曰寡吾命也幸有子女不能撫孤成立生不如死守志益
堅年八十二卒雍正五年邑令旌曰鐵石丹心

申廣洲妻宋氏年二十六夫故氏誓以死家人勸曰現有遺腹宜
撫育以有夫後氏勉依其言月餘生子子復死氏即日自縊死
趙鉗妻張氏年二十六夫亡遺一子英甫三歲氏竭盡勤勞撫養

國川縣志 卷九
成人英後入邑庠

鄧嗣真妻侯氏素性溫純克盡婦道姑病氏侍湯藥不解衣帶者一年姑一女患癰症氏仰體姑意曲爲調護教子呈瑞讀書入邑庠有聲教諭張旌曰孝慈垂範邑令施旌曰巾幗完人

龐二過關妻原氏夫亡日夜啼哭遂自盡

馮廷義妻侯氏年二十六夫亡遺子二長六歲次方懷抱氏痛夫不欲生因念二子無依朝夕紡織撫育長大邑令匾曰節壽可風

馮潤妻王氏年二十六夫亡遺孤六齡立志守節紡績度日六十餘年毫無閒言壽八十八歲

趙宏即妻秦氏年十九夫亡生遺腹子氏立志撫孤事翁姑盡孝
年至八十八歲

武號妻侯氏于歸後姑病故武號亦尋卒時氏年十九痛念翁老
無人奉養且有遺孕在身遂立志守節艱苦備嘗後撫孤成立
翁歿殯葬盡禮守節五十一年壽六十九歲當時成旌其閭

王潭妻張氏年二十八歲夫亡有遺腹子家貧如洗紡織度日撫
孤成立年至七十而終

韓憲章妻李氏年十九歲適韓未及一載夫亡氏哀痛迫切即自
縊死有司紳請奉旨建坊旌表

張士楷妻李氏幼孀姆訓事舅姑先意承志得堂上歡及舅姑相

繼歿哀毀無聞以家計艱難夫欲出外爲生計苦無貲本氏脫簪珥以助後士楷歿於河南氏聞訃絕粒誓以身殉因防守嚴密不能死值小祥延請族人議立夫兄次子爲嗣議定氏謂家人曰亡夫有子得以瞑目吾事已畢即於是夜投繯死時氏年二十有二乾隆二十九年邑令給匾嘉獎之

牛喜保妻王氏二十四歲夫亡家貧立志守節孝事翁姑一子建明不幸亦早夭媳李氏年甫二十感姑守義奉事維謹先意承志茶節自甘氏歷八旬卒李氏率子先正合葬翁姑於故里鄉黨欽其兩世節孝咸助賻儀

韓顯民妻李氏適韓甫二年夫歿三日水漿不入口家人防閑偶

懈即自縊死事聞奉旨建坊崇祀節孝

姚如宏妻張氏年十五夫年十八歸三月夫亡氏慟哭不食翁姑
父母屢勸氏堅不移竟餓十日以死

周碩楚妻郜氏年二十八夫亡氏請於族人爲立繼嗣承宗祀既
而繼子又死撫育遺孫備嘗艱苦守節五十一年壽至七十九
歲

馬子恒妻李氏年二十八夫亡遺一女二子家貧如洗氏日勤女
工度日及長竭心力爲營婚嫁年六十七歲而歿

侯選經歷武愿繼妻秦氏年二十八夫亡氏哀號幾絕念姑老子
幼勉作未亡人事孀姑克盡孝養撫前妻子任己子新泰躬自

督訓如巖師俱入泮爲邑名士壽至七十五歲

生員徐五典妻都氏年二十九夫故遺二子長五歲次甫七月舅老子幼仰事俯育皆賴其力壽六十七歲

武倅妻李氏年二十七而寡遺子七歲家人以貧乏誘其改節氏飲泣携子之母家勤十指以爲衣食手口卒瘞終全其操歿年四十有八

常文林妻婁氏年二十八夫故遺子甫五歲家赤貧氏紡績爲生誓不改節撫孤成立壽至八十三歲

郎彪妻王氏事翁姑以孝聞夫早卒遺子相廷承廷延師以誨督訓不懈卒皆成立鄉黨稱巾幗丈夫

李必興妻靳氏年二十六夫亡遺孤家貧無活計養翁姑育孤兒
皆倚針工度日以婦代子以母代父况瘁不堪四十八歲積勞
病故

楊圮妻王氏年二十八夫亡遺孤一歲家貧氏立志守節撫孤四
十八歲而終

生員王光謨妻郭氏二十八歲寡事姑撫子寒暑不怠守節二十
二年歿六十歲學憲蔣旌其門曰玉潔蘭馨

韓元作妻魏氏年二十八生子未一月夫亡家極貧立志守節備
嘗艱苦撫孤成人六十九歲卒守節四十一年

李新武妻武氏年十九夫亡無子氏誓不欲生家人勸慰氏念承

祧無人乃忍死繼姪爲嗣撫孤成立節操凜然

武時文妻韓氏夫故家赤貧柏舟自矢撫育長子暨遺腹子備嘗

艱苦和處妯娌毫無閒言自二十九歲守志至五十二歲卒

秦御楚妻王氏年二十四夫亡遺子二皆幼氏立志守節上事翁

姑下撫稚子年至七十五歲終

宋振妻趙氏年二十五夫亡生遺腹子氏矢志撫孤子又早亡撫

兩孫卒見其成立壽至九十三歲

生員牛景魯妻寧氏夫亡家貧無子繼堂姪士佺爲嗣氏訓誨不

怠後入泮克繼書香自二十一歲至六十歲守節三十九年

張須妻武氏年二十八歲夫亡誓以死殉家人嚴防不懈及出殯

日氏乘間登樓自縊死

劉觀賢妻曹氏事翁盡孝持家勤儉年二十七夫亡撫孤守志心如鐵石年五十九卒

增生馮駒妻宋氏夫亡遺子三皆幼氏矢志撫孤拮据度日卒皆成立壽七十守節四十四年

魏安國妻李氏年二十四歲夫亡家貧舅年老且病氏奉養甘旨不缺竭力營醫靡所不至竟卒晝夜焦勞祭葬盡禮年五十而終

李有法妻子氏夫故遺二子家極貧氏抱幼孩力作以十指自活自二十五歲守至四十一歲里人哀之公爲乞旌邑令陳匾曰

比節程嬰

侯佩妻馮氏年二十六夫亡子甫週歲氏苦守四十餘年教子成立邑侯劉旌其門曰松筠勁節

張洪寧妻焦氏十七歲于歸十八歲夫亡生遺腹子撫孤守節四十年如一日

廩生武重妻宋氏年十九歲夫亡無子氏遵夫遺命繼小功兄之子爲嗣撫孤成立艱苦備嘗事聞奉旨建坊旌表

李景枝妻曹氏年二十三夫亡誓死念翁姑無人奉養乃勉稱未亡人以婦代子養老送終有子早歿繼堂兄子爲嗣多病百計撫育備極恩勤卒延一綫乾隆三十八年奉旨旌表其門

王茂生妻趙氏年二十夫亡有遺腹矢志守節孝事翁姑後舉一子撫養承祀乾隆三十六年奉旨建坊旌表

馮兆證妻董氏事舅姑孝夫死舅姑亦歿撫遺孤至九歲孤又病亡氏嘔血呼天安葬舅姑與夫畢遂自縊鄉人哀之勒石以誌庠生楊偉妻王氏年二十四夫歿時翁姑年皆六十餘二子俱幼氏奉翁姑訓二子長子未弱冠即食餼郡庠事聞有司旌曰金

萱耀彩

李士俊妻任氏年十八夫歿子方數月氏號泣欲絕父諭以姑老子幼死將誰倚氏悟而止奉姑撫子冰操自矢仰事撫育人無

閒言

趙子萃妻王氏年二十五夫亡絕粒不食或勸以死節易守節難乃勉進水漿姑雙目俱損氏侍櫛沐不離臥榻者三十餘年姪未週失恃氏撫如己子與乳母同起居盡心鞠育遂以姪嗣姪生父亦早歿繼配姚氏與氏同守稱一門雙節云

李小馬妻侯氏年十七適李姑早歿夫弟三人俱幼氏親撫養未期月夫亡遂投井死奉文旌表

趙培基妻郭氏年十八夫亡守節姑已六旬子僅二月家貧孤苦紡績營生姑歿以禮殯葬子亦成立克繼先志

廩生徐丹桂妻都氏年二十三夫故他鄉氏鬻簪鉞携柩還葬事畢自縊死後二子同時入泮邑令程詳蒙題請乾隆四十二年

奉旨建坊旌表

焦延文妻曹氏夫早卒遺二子家貧守節教子讀書茹荼丸熊數十年如一日後繼仙入邑庠

秦茂妻王氏年二十四夫亡遺孤甫週歲矢志守節後子病危氏焚香籲天晝夜哀泣子病竟愈克延一脉

任敏女年十八許字本村秦洪子聚興將婚夫病故氏欲往夫家守志家人阻之氏托以暫赴謁姑慟哭柩前自縊而死兩家遂合葬之

秦繼宗妻趙氏年二十一夫故遺孤瓚甫十月氏立志撫孤娶媳邢氏後瓚亦亡媳邢氏誓以死殉引刀自刎家人驚覺救免氏

日夜哭泣絕飲食杯勺不入口數日而斃節烈出于一門

趙傳妻路氏年二十夫亡守節撫孤壽至八十邑令吳匾曰柏節
冰心儒學匾曰菊老梅寒

段福妻姬氏年二十九夫亡家貧無嗣家人勸令改適氏以死自
誓堅確不移終身足不踰國年七十二歲守節四十三年

生員王碩士妻宋氏年二十八夫亡守節撫二子俱入膠庠年六
十歲學憲呂旌其門曰懿行可風

王維熊妻趙氏年二十四夫亡撫孤娶婦未幾子誥亦亡與媳蘇
氏同守弱孫成立壽七十八歲

王誥妻蘇氏年二十四歲夫亡奉孀姑撫遺子人稱一門雙節

張八則妻劉氏年二十九夫亡遺子甫一月家赤貧矢志不渝撫孤承嗣守節五十二年

李慶妻蘇氏年二十一夫亡嬸氏欲令改嫁氏指矢自誓曰幸得遺腹子所係非輕將安適乎茹荼飲蘖子克成立現年五十七歲

王通照妻劉氏年二十八夫亡遺孤甫週歲家貧傭工茹糝糠度日守節四十餘年

寧聖宣妻都氏年二十六夫亡無子矢志守節事奉姑至孝繼嗣一子守節三十一年現年五十七歲闔里贈匾曰節孝雙全

周允濟妻劉氏年二十一夫亡遺孤雙瞽氏盡心撫育得以長成

陝川縣志 卷九
娶婦生子爲周氏延嗣現年五十一歲

徐貴全妻吳氏年二十九夫亡遺孤三歲氏冰操自矢教子成人
守節五十年現年八十一歲

趙就元妻宋氏父爲鄉寧縣訓導年二十八夫亡矢志苦守旣而
子亡撫孫成立現年七十七歲

郭永和妻徐氏年二十五夫亡遺孤甫週歲氏上有太翁及孀姑
委曲孝養得其歡心撫幼子授室子亡撫遺孫上下五世一身
彌縫備嘗艱苦守節三十二年

范獐頭妻郭氏年二十三夫亡撫遺腹子姑又雙瞽氏左右周旋
扶持不少懈現年四十九歲

范九河妻馬氏年二十八夫亡遺孤七歲家貧氏以針線度日現年六十二歲守節三十四年

王七則妻郅氏年二十五夫亡遺二子長三歲次一歲氏竭力奉翁姑撫二子俱長成現年五十五歲守節三十年

韓永餘妻郭氏年二十九夫亡遺二子皆幼赤貧如洗以傭工度日現年七十三歲守節四十四年

任明德妻李氏年二十三歲夫亡子甫三歲氏立志守節撫孤成人現年五十六歲守節三十三年

王憲妻宋氏年二十八夫亡家貧撫遺子授室子歿與媳任氏共守遺腹孫兩世苦節現年六十歲

徐天佐妻郎氏年二十七夫亡子甫週月氏立志苦守撫孤成人
守節五十五年

李培妻趙氏年二十七夫亡子幼立志守節後子亦亡訓誨遺孫
早歲入泮守節五十三年

張自祥妻宋氏年二十八夫亡一子亦早卒撫遺腹孫備歷艱苦
教育成人守節五十九年現年八十七歲

靳益晟妻李氏夫亡時年二十一遺一子甫三月氏撫孤成立守
節三十一年現年五十二歲

崔元妻孫氏年二十七夫亡遺一子甫三月氏上事翁姑下撫孀
弱歷十八年子又卒遺孫甫七月氏竭力撫養以承宗祧兩撫

遺孤苦節無雙

劉龍光妻都氏年十八歲夫故遺子未歲氏矢志苦守教子成名
學憲國區曰蘭閨貞範

郭禔妻李氏年二十八夫亡子方三歲氏教育成立守節四十年
寧棠妻秦氏年二十六夫亡守志奉姑撫子茹茶飲血朝則杵臼
夜則績紡人所不堪現年五十五歲

李檜樹妻婁氏年二十三夫亡遺孤二歲氏欲以身殉家人咸勸
曰夫死爾復死藐孤誰恃祖嗣爲重身爲輕乃誓守辟纊一室
茹荼集蓼竟以成立守節三十一年

武生崔必達妻李氏年二十九夫亡遺子三歲家貧守志撫孤娶

室越三十年子與媳相繼先卒遺孫未盈月氏竭力撫養鄉黨憐之現年六十九歲

徐進朝妻蘇氏年二十七夫亡遺子三歲家貧立志守節娶媳宋氏後子媳俱亡撫三孫成立現年八十三歲

武維新妻李氏年二十三夫亡遺子四歲誓志守節績麻爲生甘咽糟糠守節三十一年

馬潮生妻曹氏夫亡遺子三歲守節撫孤現年六十三歲

秦御魯妻牛氏年二十二夫亡遺二子長二歲次甫兩月氏欲以身殉念舅姑年邁二孤均在襁褓遂誓守事翁姑撫懷抱晝夜拮据心力俱罄二子稍長訓誡諄切現年七十歲

牛秉善妻武氏年二十五歲夫亡遺孤三歲立志守節孝事翁姑
撫育孤子現年五十八歲

韓廷棟妻段氏年二十七歲懷孕夫亡家赤貧親族勸其改節婦
堅不從越三月生遺腹子泣血誓守現年六十一歲

王憲章妻劉氏年十九夫故家貧無子家人誘其改適氏誓不從
繼姪爲嗣傭工度日繼子又歿遺孫未彌月艱難百折撫育孤
孫現年五十六歲

增廣生員和鳴琴妻馬氏年二十九夫亡遺二子尙幼長德宣次
德昭家貧如洗傭鍼度日上事老姑下撫幼子姑亡殯葬如禮
後二子俱早亡姑媳共守年至八十三里人咸稱其賢孝曰一

門三節

和德宣妻武氏即節婦馬氏長媳年二十五夫亡遺孤三歲氏忍死撫養子又歿繼嗣承祧奉事祖姑暨孀姑兩代孝養無虧現年七十一歲

和德昭妻趙氏即節婦馬氏次媳年二十四夫亡遺孤未週其姆亦早孀氏與之傭針奉孀姑三世嫠居熒熒一室冰操其矢撫孤成人爲娶妻生子更以次者繼與孀姆二門均得延世者皆氏之力也

張士敏妻王氏年二十六夫亡子幼氏矢志守節撫孤入泮現年五十七歲

生員王以幣妻郢氏年二十七夫故無子登樓自縊家人覺亟救之母舅勸曰慷慨赴死易從容守義難以程嬰之義崑之氏忍死求立後本族無可繼者訪遠宗某有數子哀懇族人繼其仲子將成人而卒氏更求其季子爲嗣教養兼至恩不掩義策之讀書竟以成名

孫士彥妻李氏年二十五夫亡遺子二皆在襁褓氏立志撫孤養而兼教卒皆授室成立長子琮早入郡庠里人賢之贈匾曰茹荼丸熊現年四十四歲

武德光妻趙氏年二十一夫歿即欲從死地下翁姑勸阻乃止然之死靡他同穴之盟固已心許矣飲泣守志三年枕淚未乾遂

憂鬱成疾而亡

程鐸妻蘇氏高平縣平頭村蘇德行女適邑人花落村程鐸父患噎症五日不食諸藥無效女憂甚夢神謂曰非服親人肉不可瘥女遂暗以刀斷左小指煨研入酒奉父服之果愈父後見其以帶襪手狀亟問以實對愴然傷之疾復作遂養病他所戒勿復令女知後數月女微聞潛至家自嚙臂肉煨熟恐傷父心陰置親戚所饋餽飪中囑侍者以進父竟獲痊

侯掌積女麥姐自幼許字同村邵聚延子春成後父厭邵貧欲悔盟女聞之於母前微露不從意母勸父父曰邵雖有盟言並未受聘遂許他氏納聘有日矣女潛使人至邵家謂姑曰兒邵家

人聞父以未受聘欲敗盟盍急行聘至日某氏聘至邵聘亦至父怒卻邵使於門外受某氏禮母謂女曰奈何女曰兒有定見誓不二心遂登樓縊死年僅十四

侯廷展妻牛氏于歸八月夫亡有謀娶者氏誓死阻之後繼子早歿媳郭氏感姑苦節亦不他適邑紳劉紹先武傳業牛希白等共匾其門曰苦節流芳

李璞之妻焦氏未出閨時其母病篤醫藥無功有術者言非食親人肉不能愈氏斷左手第四指雜羹以進母病頓瘳于歸後年二十二夫病將死恐氏他適微言示諷氏奮然曰君疑妾耶倘有不測請先以一指殉君遂斷其左手第三指夫故無子氏上

事雙親下撫兩弟終日操作艱苦備嘗終夜不寐則以百錢散地暗中索摸達旦乃止故能持久年八十三歲事聞旌表崇祀節孝

槁子掌張氏一門四節伯金興妻崔氏夫故無子仲玉興季通興妻皆李氏遺子均幼叔鑑興妻秦氏遺腹子產頭無髮指無甲氏曰此天不絕夫之祀也卒養成人妯娌四孀同以青年守節見稱於時

廩生武維城妻李氏少寡無出爲夫擇嗣兄有七子均幼氏獨取其次名鳳三者撫之後克嗣書香光大門閭竭蹶爲母氏請旌邑令強匾其門曰鐵性冰心

進士曹鴻舉補授河南溫縣未之任病故妻王氏哀傷甚至不出戶庭者六年餘卒事聞旌表

董二梗妻李氏二十七歲夫病故中州遺二女尙幼紡績爲生養女成人族人哀婦堅貞爲其夫之長兄立嗣名元英婚趙氏甫三年元英卒而趙改節婦邀族黨復爲英立嗣曰吾事已畢某月日時吾將逝矣至期竟無疾而卒

李璦妻程氏夫故無子里人有勸其嫁者氏曰女不嫁二夫吾若嫁非人類也遂族中繼子承祧守節四十九年而卒

平川村民李太平妻原氏家甚寒二十七歲夫歿姑老遺二子尙在襁褓因自矢曰宗祧事重吾不奉親守孤何以延一綫之祚

遂課耕耘勤織紡艱辛備歷後稍有儲蓄即令子孫就學次子藻春以業儒入邑庠生長孫聃龍爲郡廩生

崔磐石妻成氏夫故氏決意殉節絕不哀痛從容將夫入殮夜半托言外出投井而死

楊樹坪妻薛氏夫亡自縊柩前有司贈匾曰貞一不渝

李傑魁妻徐氏十七歲夫故時姑亦歿氏撫二孤女侍一盲翁艱苦備嘗後翁故氏竭力營葬二女亦許字有家邑令給匾嘉獎其門

劉永聚妻武氏夫早卒繼姪承嗣敬事翁姑孝慈兼盡後翁姑歿繼子亦亡氏日夜哀泣而卒

王崎妻韓氏夫故遺子方四歲氏艱苦成家不惟井臼是操即耕
耘亦不憚勞守節三十二年

張克裕妻李氏二十九歲夫故與夫弟克昌妻韓氏同以青年守
節矢志不渝人稱一門雙節

徐社楊賡颺妻某氏貧而能守夫卒上奉二老下撫二幼以織爲
生且精於蠶每歲必豐入以爲節孝之報云

王貞女北關廂王德裕之女幼配嶺西村趙鳴鑾未娶鳴鑾死女
聞訃奔至趙家撫棺痛哭誓與俱死趙家逐之力奔訴公堂自
陳節守邑宰楊公嘉其志爲之捐廉議養送歸趙家女哀毀已
極歸趙未久病亡事聞建坊旌表

馮崧嶽妻申氏十六歲夫故家貧如洗氏欲從夫死念舅姑無人奉養且有遺復子遂矢志守節紡織爲生人無閒言

李珪繼娶覃氏適李未期年而夫卒遺腹生子誓不改嫁撫前生子女無間所生現守節十五年

商人侯文斗之妾買自吳楚不知其姓幼受嫡李氏教訓頗知敬義李卒夫復娶張氏事張尤謹後夫卒紡紉自勵或以異言挑之即曰吾夫無子吾姊無恙相偕終老他非所願也守節三十年卒

楊恩科妻馮氏幼嫻庭訓說禮敦詩年十七于歸閱九月夫故氏哀毀幾絕矢志靡他孝事衰姑勤裕家計鄰里咸稱頌之守節

二十三年卒

張文英妻蘇氏秉性賢淑年二十九歲夫故遺子甫五月氏矢志守節之死靡他上事繼姑下撫幼子以孝慈聞家停已故翁姑及夫兄並夫各櫬未殯氏一一安葬如禮見稱於族鄰

田星橋妻段氏于歸後連舉二子長心安次心法星橋早卒幾殉孀居四十年家法甚嚴光緒間奉旨旌表

李汝良妻梁氏

李梓妻張氏

秦枝妻趙氏

生庠李士奇妻趙氏

馬子和妻楊氏

溫之雅妻牛氏

生增甯允謙妻徐氏

焦慕遂妻王氏

焦 燾妻范氏

郜 祥妻郭氏

郭 甯妻李氏

李景洛妻趙氏

李文烙妻蘇氏

張 鉢妻徐氏

趙 璧妻王氏

鄭保孩妻楊氏

蘇自掌妻趙氏

王繼善妻常氏

焦 焯妻韓氏

杜文廣妻王氏

李延諫妻薛氏

張洪明妻章氏

宋國梓妻楊氏

武發枝妻鄭氏

范資智妻秦氏

吳 勗妻馮氏

程廷揚妻李氏

曹雲駒妻郭氏

蘇 愈妻李氏

曹繼昶妻段氏

牛承洪妻王氏

馬國幹妻李氏

員生 徐再溫妻羅氏

張漢瞻妻苟氏

張得功妻秦氏

王貴榮妻楊氏

郎耀廷妻張氏

牛長羣妻李氏

郎根保妻李氏

范延順妻楊氏

原秀實妻程氏

焦 淵妻傅氏

李守成妻王氏

段月桂妻趙氏

段銀章妻和氏

趙增太妻楊氏

吳子績妻段氏

李 見妻秦氏

賈寅恭妻李氏

楊作楷妻趙氏

生員 李馨齡妻馮氏

李長太妻王氏

劉孟春妻李氏

從九 張鈞妻武氏

趙萌山妻王氏

靳文鳳妻趙氏

李 璿妻田氏

生員 杜澍增妻王氏

宋家傅妻李氏

侯鳴山妻韓氏

李光昭妻董氏

侯 度妻韓氏

秦承益妻王氏

侯應麟妻張氏

附貢 宋含瑛妻王氏

秦肆三妻王氏

韓 恭妻李氏

侯永寬妻馮氏

武希威妻李氏

路青雲妻趙氏

宋懷禮妻吳氏

賈景元妻王氏

李永林妻王氏

牛髻齡妻焦氏

張光裕妻李氏

張克昌妻韓氏

傅有懷妻都氏

張永儀妻章氏

秦 溱妻張氏

成家駿妻李氏

曹興發妻崔氏

郎士超妻張氏

郭守義妻秦氏

關順先妻王氏

李本全妻焦氏

郭其偉妻李氏

盧永山妻焦氏

生

郭孚吉妻杜氏

郭汝泰妻李氏

郭燦玉妻王氏

姜 班妻王氏

盧三狗妻姚氏

趙承晉妻侯氏

申憲林妻王氏

郭永達妻曹氏

張文山妻趙氏

趙家驤妻侯氏

王永貴妻侯氏

王一琴妻郭氏

監生

郭其泰妻薛氏

孫不和妻申氏

孫以似妻楊氏

高一清妻韓氏

徐天祐妻王氏

生員

趙雄圖妻劉氏

寧汝真妻焦氏

張 錦妻趙氏

張 楷妻魏氏

王秉鉞妻楊氏

侯宗起妻張氏

武遂法妻丁氏

田明存妻金氏

金成牲妻郭氏

王三英妻楊氏

張興林妻王氏

郭天祥妻牛氏

王通明妻段氏

生員張慶元妻趙氏

李肇鑾妻侯氏

蘇錦妻和氏

田鐵鎖妻段氏

生員侯天賜妻郭氏

張九成妻李氏

王小三妻侯氏

段永智妻王氏

申保秀妻韓氏

王恩濤妻李氏

宋岐傳妻和氏

蘇計松妻王氏

楊小孩妻都氏

徐三孩妻楊氏

宋長興妻王氏

宋成太妻王氏

蘇銓妻李氏

董繼葉妻司氏

董保甲妻張氏

郭連陌妻常氏

常席珍妻黃氏

王長發妻張氏

常德讓妻張氏

常德儉妻韓氏

侯應通妻馮氏

侯宗棋妻張氏

生員馮鏞妻侯氏

杜懷典妻馮氏

趙雲亭妻李氏

焦來有妻馬氏

李廷科妻楊氏

趙 權妻馬氏

韓修山祖母馬氏

靳春菊妻王氏

王 玉妻都氏

劉三孩妻張氏

宋先科妻李氏

馬增春母侯氏

李根榮妻王氏

李 蓋妻吳氏

王 鈞妻丁氏

李 薰妻宋氏

郎全順妻秦氏

張 浦妻趙氏

趙萬林妻侯氏

李興貴妻崔氏

吳淇浩妻張氏

趙祥兆妻張氏

王福全妻宋氏

楊法保妻周氏

楊小孩妻張氏

楊日讓妻姚氏

孫采寅妻張氏

李裕耀妻申氏

李慈妻張氏

蘇金成妻王氏

從九侯天興妻靳氏

和長林妻王氏

趙喜法妻皇甫氏

趙永德妻原氏

王保祥妻申氏

趙拴駒妻李氏

王三多妻趙氏

馬起房妻秦氏

侯振體妻王氏

生員

牛王美妻郝氏

王鎖貴妻申氏

王壘合妻牛氏

王猗孩妻田氏

王成王妻牛氏

靳聚蘭妻崔氏

王松枝妻李氏

郭聚香妻牛氏

崔五林妻牛氏

段安据妻李氏

生員 楊青雲妻蘇氏

蘇補孩妻李氏

蘇保泰妻王氏

韓邦解妻蘇氏

路煥文妻王氏

申跟孩妻王氏

蘇保來妻徐氏

李立祥妻王氏

王添祿妻張氏

王公桓妻張氏

張永義妻韓氏

路拴女妻李氏

李復慶妻姬氏

王喜貴妻和氏

徐義妻牛氏

徐安保妻牛氏

徐天元妻王氏

郭忠靜妻趙氏

劉羣鎖妻張氏

侯本金妻王氏

李永義妻趙氏

王有真妻趙氏

楊殿文妻王氏

武生 常殿元妻李氏

李福香妻司氏

李 慈妻張氏

侯廷安妻宋氏

趙萬順妻郎氏

武生

郭錦標妻曹氏

廩生 賈 湏妻武氏

武堯祥妻徐氏

附生 賈 灝妻李氏

傅永順妻張氏

監生 徐士彬妻韓氏

牛喜拴妻趙氏

光緒二十一年送
節孝祠事實不詳入

以上均錄前志

王

岳妻趙氏

光緒二十三年奉旨旌表
建坊事實不詳以上續

國川縣志

卷九

陵川縣志卷十

著述錄

陵川當隋唐時代著述甚少金元兩代人物較多著述亦夥
意者文風之盛衰亦氣運使然歟要之著述一事皆鄉先輩
慘澹經營精神之所憑依凡在後輩皆有妥爲保存之責也
志著述

切韻門庭

宋李異撰

經史撮要 大學補 言志集

金武天佑撰

永言集典內外篇 寧儉譖語

金武天和撰

游仙集

金季晏撰

續後漢書 郝文忠公集 春秋章句 春秋音義 春秋制作

本意 春秋比類目 三傳折衷 周易外傳 太極演原占

錄 通鑑書法 玉衡真觀 刪註三子 一王雅 行人志

元郝 經撰

春秋五霸說

元甲如魯撰

嵩洛稿

明王 昂撰

六泉集

明王 道撰

少原集

明武思孝撰

壬子集

明都永思撰

經書撮要 四書小補 西崖集

明武錡撰

鳴野集

明韓國賓撰

碎笑軒集

明李萃秀撰

清居集 博採集

明徐應奎撰

十聖心法 尙書珍鈔 語錄

明徐騰雲撰

常惺惶 功過錄

明李爭榮撰

鳴情碎錄

明李杜言撰

孤山問叢集

明李培秀撰

閒素草 汾水秋詩 滕王閣詩

清秦之鉉撰

北徵草

清趙一心撰

孝弟家訓 遵耕讀訓說

清武靖遠撰

遺斑集

清武 阡撰

燕南趙北詩草

清秦懋效撰

四書聲韻詳註

清武維藩撰

雪農詩鈔

清王伯儀撰

滋雨山房集

清傅 弼撰

就正集

清楊乾初撰

西溪詩鈔

清王汝楫撰

享帚詩集

清楊豫成撰

墨花香村詩稿

清王臨池撰

印雪山房詩草

清曹鴻舉撰

印荷盧文集

清秦秉範撰

春秋王侯諡號歌

四惜齋文集

清武心廣撰

睡餘隨筆詩藁

清都賦三撰

春秋十二公時勢論

清武培德撰

守硯堂文稿

清秦 忻撰

眠琴山房詩鈔

清楊長達撰

莘原遊記

清楊長森撰

老瞽吟

清張文芳

榆蔭軒詩稿

清張治孝撰

以上各著除郝文忠公文集及續後漢書外版本及草均多散佚其僅存者皆其子孫尙知保存之故

舊聞記

昔子產言天道遠人道邇夫既謂之遠則其深微難測可知其不信者皆其淺焉者也古聖人觀天象而恐懼修省乃敬天之表示非欲以修省作祈禱也仍用力於人道焉耳志舊聞

金正隆間嘉禾生明年一禾隔五壠同穎

趙安時記

元順帝至正十八年二月乙亥地震

明隆慶二年七月地裂二十丈寬尺餘

萬歷十五年三月初三日地震

二十六年七月初十日雨雹禾稼多傷

三十四年九月天鼓鳴

三十七年秋大荒

三十九年二月地震

崇正十三年大旱夏無麥秋無禾是歲斗米千錢陽城陵川沁水民多餓死人相食骸骨滿野

清順治二年新鄭書院產紫芝二莖

四年飛蝗蔽天食苗幾盡民流亡

五年秋大水殺稼

六年二月初六日地震

秋霖雨山頭皆水害稼

陽川縣志 卷一
七年七月二十七日大雨雹傷人害稼歲大禱

十年旱饑

十一年旱饑

十二年大旱斗米錢千五百

十三年嘉禾生

十四年嘉禾生有三四穗者

康熙七年夏六月十七日地震

八年鳳山道院生紫芝

知縣孫必振記

十二年六月十二日雨雹

十三年地震

三十四年夏四月六日澤州高平陽城陵川沁水地震與太原汾潞屬同日地震

三十五年青霜無稼大饑民食榆皮

六十年歷春徂夏亢旱至六月始雨農夫力耕秋大有

雍正八年東北鄉雨雹三次民多流離平城鎮有糠市

十年八月湯庄村民秦遇緣妻婁氏一產三男奉文給米五石布一疋折給銀六兩五錢

十一年太清觀災廟極高遂向爲祝釐之所四月二十一日夜忽火從殿出光照四山越四日始息

以上舊志

乾隆十九年七月十四日大風害稼

二十二年至二十四年大饑民間食榆皮草實餓死流散者
無數有糠市

二十二年雲谷圖池水紅大疫

二十三年霪雨連月不止民間房屋頽壞者無數城圯

二十四年城中有鹿從西北城下挂一角而去

二十五年夏五月雨雹大如鷄卵深盈尺

二十九年大有年

三十二年七月彗星見於東方

三十五年八月十三日太清觀 萬壽宮慶雲見十一月南

關諸生馬伯顧妻侯氏一產三男

三十七年有年

三十八年七月二十九日地震

三十九年有年

四十年有年十一月十一日地震

四十一年大有年

四十三年三月十四日東關三元巷民李珏妻王氏一產三男

五十年歲大饑

嘉慶十年歲大饑

十一年圮塔村民李伏質妻陳氏一產三男

道光元年城中井水溢涓流三月是秋鄉舉二人

十年地大震民屋多塌自後地氣漸煖

十五年秋青霜害稼

十七年冰雹傷禾

咸豐元年地震

七年秋蝗入邑界

十一年彗星見

同治元年大旱飛蝗傷禾斗米八百文邑令楊

設局收蝗

三年正月雷鳴秋八月天鼓鳴

十年邑東冰雹傷禾大水爲災

光緒三年大旱

四年大饑斗米千六百文道殍相望

光緒二十六年大旱六月下旬乃雨

民國九年十二月十六日下午八鐘地震

民國十九年七月二十日夜十時地震

民國二十年城關井水涸乏居民極感困難二十一年春掬官

泊池

民國二十一年霖雨爲災沖沒民田房屋頗多

雜錄

查李志此目竝無增入九十餘年一無所記恐不免有疏漏

之譏無據不可率續有據詎容不書志雜錄

逸書趙獻子城泫氏竹書梁惠王九年晉取泫氏有泫谷水

四州文獻

畢氏紀郭經洹水圖說謂洹水出洹氏縣疑今澤州陵川左傳聲

伯夢濟洹水而歌注云水出汲郡林慮縣東北按林慮今彰德

府林縣圖經曰洹水出林慮山西北入洹水縣舊曰洹氏縣在

澤州高平按洹水或泫水

省志紀云陵川寶應山又名秦嶺謂秦時所築以事考之長平之

役秦人遮絕趙救兵芻餉而築按秦嶺去寶應山尚十里許秦

嶺在縣西北接高平

孟門有二一在龍門山北河出孟門之上是也一在太行山東左

傳襄公二十三年齊侯伐晉取朝歌入孟門登太行吳起謂魏武侯曰殷紂之國左孟門右太行杜預注云孟門晉隘道而不言其處所孟門者太行隘道之名疑即今陵川之白陘耶

王烈嘗上太行山崩如雷往視之石裂中有青泥如髓丸之隨凝如粳米乃合數丸歸示嵇叔夜已成青石矣

天中記

又嘗入抱犢山中得一石室室中有兩卷素書烈讀不知其字不敢取頗諳十數字形體歸書之以示叔夜叔夜盡知其字烈喜乃將叔夜往識其徑分明至失石室所在竊語弟子曰叔夜不應得道故也

天中記

齊民要術載汜勝之術曰牽馬令就穀堆食數口以馬踐過者爲

種無蚘蚘之患今陵川有蚘蚘廟高平有蚘蚘嶺廟之祀典不知所從始攷蚘蚘食苗蟲也即食米強蟬唐書五行志開元年間榆關蚘蚘蟲害稼入平州界有羣雀來食之一日而盡唐宋時紀此蟲害稼有至大饑者不可不知張有復古編作子方義同

元史載石勒園生人藎葩甚茂禮斗威儀曰人君乘木而王有人藎類人形將相輩出有以僞亂眞者在人主識之識其無用不以藎蕝當藎之用識其有用不以藎當藎蕝之用則必不至以人國人命僥倖矣

崇安寺舍利記金泰和八年澤州判官崔蒲記云因隨縣官防備

蟲蟪於陵川縣城外崇安寺止宿時縣宰云本年閏四月初八日本寺獲佛寶舍利初寺之西南屢現光相城內外俱見一日二小童見隙地一穴有火光出驚走告於父秦貴秦貴輒私往就其中劬之得一葬所因詣寺告於僧圓月僧集大眾往觀之乃古葬地中置一瓦浮圖門鎖已毀一碑有舍利一讚四字咸通八年陵川縣令崔琛建塔安葬舍利開於秦貴昔爲縣令藏今復爲縣令出僕親見之故錄其舍利眞像及舊碑文通作一軸置於佛寶中

楊筠松爲陵川武氏相阡地於赤石山取螭蟠出泥形申龍入首作甲向後至宋金間連中武明甫叔姪三狀元至今子孫蕃衍

代有衣紫者得水淨沙明之故也地理一統全書歷代傳聞記說楊公

當日相此地謂右邊龍沙飛走不利初代必遷居金水之鄉方

大發左龍迴環有勢前面一字文星不在二三世定在四五世

連登科甲出翰苑詞從後武樞密自遷遼而貴右支子孫也左

支舉鄉貢學究者五六人數傳有三殿撰出焉探武氏家譜

武文端公及第時夢家中梅花盛開清香襲人姪天佑及第時夢

如前至天和及第又如前夢適報至文端公喜作口號曰科第

蟬聯父子間龍領誰道取珠艱年來頻獻梅花夢最上一枝誰

敢攀

郝天佑崇安寺佛寶舍利記云佛寶舍利屢有異光現於寺西南

隅衆莫能識迨泰和八年四月八日光復大於常時僧俗大衆
尋其跡而探之得古葬藏佛寶其文班班可考迺唐咸通間縣
令所作考其歷數自咸通八年蓋三百四十有二年也即造金
壇護持聞於縣宰縣宰命工圖之以紀其詳

郝天挺謂其弟子元好問曰學者貴有受學之器器者何慈與孝
也今汝有志矣器如之何

武學士天和甫七歲賦鳥影過寒塘詩云着眼分明莫作疑從來
形影本同歸不應水底青天上更有飛禽仰面飛先達趙仁菴
見而奇之卜其遠到妻以女後果廷試第一

金李彥實森工於詩有云少年日日醉花邊短白長紅一一憐自

笑老來心尙在惡風常廢五更眠又賦梅花云冰骨有香魂乍
返玉顏無暈酒全消人多傳誦之

李致美晏釋褐臨汾丞時張太師浩判平陽一見愛其才爲之延
譽曾與興陵有藩邸之舊入翰林爲學士高文大冊號稱獨步
改昭義軍節度使時澤潞旱甚晏擅發倉粟三萬石救饑者因
上章請罪章奏而本道彈章亦至章宗謂宰相提刑職當然李
晏義當然不之罪也

中州集小序李晏自號遊仙野人子仲略曰丹源釣徒皆有集傳
世仲略子肯播克紹肯穫克守肯德克修

金元遺山好問題張彥寶陵川西溪圖記云陵川在太行之巔蓋

天壤間清涼境界也江淮太平散人題詩東廟自謂已造仙府
恨居民不知其樂耳此縣先君子舊治晏遊西溪僕以童子傳
焉彥寶出此圖求賦詩感今懷昔爲之愴然故篇中有及癸丑
十一月三日題

陵川集云陵川風土完厚人質直而尙義宋儒程顥嘗令晉城以
經授諸士子故澤州之晉城陵川高平往往以經學名家雖事
科舉而六經傳注皆成背誦在宋時俊造輩出即閭卷細民亦
能道古今曉文理

中州集秦簡夫略悼亡一詩高出時輩殆荆公所謂看似尋常最
奇崛成如容易却艱辛者耶年六十七卒有集行世

何中郝思溫大字歌注云號東山雪菴高弟詩曰東山手提雪菴
筆筆中出此萬鈞力重如岱岳鎮坤維奇如古鼎躍泗側點如
蒼海之碣石真如參天之古栢曲如老龍恣盤拏橫如方城立
鐵壁快如大澤斬蛇劍妖夔幻魍爭辟易巨靈引指太華壁三
千獅子座舉臂可移得偶然揮毫出世間壯士不能擲瘞鶴銘
摩崖碑後來者誰繼之我嘗見龍溪之字大如箕五百年間無
此奇雪菴老東山子傳鉢曇花重現世崑崙以爲筆東溟以爲
硯青天以爲紙爲我寫太平兩大字持獻天皇九九八千一萬
歲我歌爾字吾老矣

元好問曰金源氏有中國以科名選十二時瑰奇俊偉者不堆彙

萃於一國且鍾聚於一家如何東李獻甫獻誠獻卿獻能兄弟
一狀元三進士時人號爲四桂陵川武明甫俊臣天佑天和叔
姪三狀元一進士時人號爲四鳳故當時稱科目盛者不曰河
東李則曰陵川武云

元好問續夷堅志先人宰陵川泰和甲子元夕縣學燒燈有以杏
棣棠枯枝爲翦綵花者燈罷家童乞之供於縣署佛屋中四月
上浣七夜先大夫焚誦次乃見杏棠皆作花眞蹟相問先人會
寶示之以爲文字之祥爲賦瑞花詩

陵川士人劉元方說兵亂後縣邸中人祈仙楊眞君乩降筆詩尤
奇偉不凡嘗咏高麗紙詩八句批後云填勿觸汚神物終當飛

去席氏子婦產乳未終竊視之三日後開卷乃無一字但空紙而已論字汝知毫端心萬物不可礙龍盤一氣風雲走鯨化三山草本枯咏高麗匹紙霜入詞鋒月痕缺手中不覺風雲掣

郝陵川論書云太嚴則傷意太放則傷法又云心正則氣定氣定則腕活腕活則筆端筆端則墨注墨注則神凝神凝則象滋無意而皆意不法而皆法

郝文忠公陵川集門人壽俊護襲遺藁越五十年延祐時於懷州本家取發得陵川文集十八册三國志三十册

元延祐五年禮部尙書門人郭賁請刊文忠郝公遺文以山南江北肅政廉訪使其子文徵早卒遺集慮散失呈請刊刻流布集

賢學士李之紹呈奏侍制趙穆等考校詔發江西行省刊行是年冬門人江廣儒學馮良佐詳正上板明正德中沁水李司農瀚官楚求陵川舊刻久之始得復刊於鄂州清乾隆三年澤州朱太守樟訪遺集於陵川諸生武氏得李刻鄂州本授郡人員外郎王鏐復刻於澤州

元王逢詩注文忠公羈旅日有以雁四十餉公內一雁體質稍異命畜之於後雁見公輒張翮引吭而鳴公感動擇日率從者二十七人具香北拜三人舁鴈跪其前手書尺帛親繫雁足且致詞曰纍臣某敢煩鴈鄉通信朝廷鴈其保里欲再拜鴈奮身入雲而去未幾虞人獲之於苑中以所繫帛書託近侍以聞上惻

然曰四十騎留江南曾無一人鴈比乎遂進師南伐越二年宋亡書今藏諸秘監河南主客劉澹齋云

陶宗儀輟畊錄霜落風高恣所如歸期回首是春初上林天子援弓繳窮海纍臣有帛書中統十五年九月一日放鴈獲者勿殺國信大使郝經書於眞州忠勇軍營新館右五十九字郝公書也公字伯常澤州陵川人世皇召居潛邸歲己未扈從濟江授江淮宣慰司副使中統元年拜翰林侍讀學士充國信使宋館於眞州凡十有六年始得歸此書當在至元十一年是時南北隔絕但知紀元爲中統也

輟畊錄何公巨川者京師長春宮道士也會世皇將取宋乃上疏

抗言宋未有可伐之罪遂命副國信使郝文忠公經使江南沒
於眞州至正間詔追贈二品官有人作詩悼之云奇才不泄神
仙事抗疏曾干世祖知每恨南邦本無罪比留北使欲何爲忠
魂久掩孤城館褒詔新鐫二品碑地下若逢姦似道爲言故國
黍離離

王士禎池北偶談金元間有兩郝天挺一爲元遺山之師一爲遺
山弟子予考元史郝經傳云其先潞州人徙澤州之陵川祖天
挺字晉卿元裕之嘗從之學裕之謂經曰汝貌類祖才器非常
者是也其一字繼先出於朶魯別族父和上拔都魯元太宗世
多著武功天挺英爽剛直有志略受業於遺山元好問累拜河

南行省平章政事追封冀國公諡文定爲皇慶名臣嘗修雲南
實錄五卷又註唐人鼓吹集十卷元時漢人賜號拔都惟史天
澤張宏範見輟畊錄漢言勇也近常熟刻鼓吹集乃以爲隱逸
傳之晉卿而致疑於趙文敏之序稱尙書左丞又於尙書左丞
上妄加金字誤甚

燕石集元宋駿張女詩序云女諱阿慶汝南忠武王第八女今翰
林侍制郝陵川經所聘也日誦數百言尤工屬對十歲而逝元
遺山續夷堅志記其事 三生常待玉宸君想象文姬一樣人
露氣清凝仙掌夜天葩秀吐上林春木蘭歌怨征行苦柳絮才
高老大身却是眞魂埋不得綵鸞同與駕鸞輪所屬對今略附

於後如睡思昏昏如醉思間心寂寂似禪心洗硯墨雲浮水面
折花紅雨落墻頭滿地梨花三月暮隔墻楊柳兩家春秋水芙
蓉妝鏡曉煖烟楊柳畫屏春關山明月子規魂花柳擊風蝴蝶
夢江頭鷗鷺不關名利也風波野外荆榛有底功勳承雨露驟
雨翻空滌世間之塵垢飛虹飲海收天下之風雲

有人題太行石壁云太行千里連芳草獨酌一杯天地小醉臥花
間人不知黃鶯啼破春山曉

明李新芳陵川宗約序云潘簡王爲太祖第二十一子簡玉子庚
肅王號遐齡老人者陵川之始封也嗣是而懷懿諸王出焉懷
懿諸子有號孤松孤巖孤雲者皆慕古好學樂善循理其子有

浩菴益菴恕菴者有雲崖雲峯雲岫雲溪雲洲者皆博雅精醇
親賢友善陵川之盛如此天潢衍派始二百祀有衆約十六萬
玉牒名位滿巨萬中多賢而學古然其時每格于宗伯下屬吏
操予奪權承襲嗣繼賄納顯晦有不得祿入而窮餓流離者讀
元時郝文忠罪言疏其相去正自遠矣

黃圍洞縣東南六十里洞內有山有谷有風門有雲門有神井澄
澈有石鴿雙飛人多見之有塏形纍纍蓋石乳滴瀝凝結而成
之者眞奇觀也昔有人秉炬深入四五里遇橫河一朽木不敢
過洞口映帶一峯中空如門名曰天門雖委羽匡廬之勝曷多
讓焉

龍門西山神廟前有異樹一株四季開花花色各別莫識何名土人謂之曰四季槐雍正間有欲伐者夜聞婦人啼泣聲甚哀遂止

興福寺後院有娑羅樹二株即歐陽永叔所云七葉木也

邑人武觀中康熙丁酉鄉舉時有太谷生同名姓是歲元日夢已獲售名在六十一覺而喜遂棄一切儻省中靜舍攻苦以待試期及場畢榜發奔視果然名次相合不及閱籍貫遽回家傳述專俟捷報日中報者不至咤甚急覓報錄檢查則陵川人也皆以爲異時晉省中額尙六十三人後始裁減

康熙二十五年白蒲掌村有焦聚者父亡母老兄弟四人聚行四

三兄俱另爨母老家貧無人奉養聚年方十餘歲爲人傭佃艱苦備嘗以爲將母計至三十一歲時七月十二夜在郊外看麻忽被虎駝去同事者報知其家遍尋無跡合家號痛迄五更虎將聚駝送其家母懼閉門不納虎輒守至天明乃遁去當聚在虎背時聞有一老者隨虎呼曰此乃孝子不可傷厥後生子四女三年至七十餘卒人以爲孝德所致

椅子掌村民婦某氏歿七日矣舉而殯諸野途中棺忽有聲肩者驚走夫妄冀其復活也啓視之則呻以息遂舁歸竟甦數日能言先是村人於夜分時見土地祠跪兩婦人如官府對理狀及問氏云初不知死恍惚有人引詣土地祠媻某氏先在神詰兩

人勃谿事謂命尙未盡遺還與村人語合蓋距孀某死甫一月時乾隆近年事

徐丹桂邑廩生生平正直遊於豫一夕無疾卒陵人不知也邑人王績素與徐友善於丹桂客卒日在本邑四牌樓夜行見有威儀騎從而過者績以爲令及至降輿與績揖則徐也驚問之曰上某縣任耳復乘輿去績遂昏倒家人掖歸三日乃甦備述夜遇丹桂狀且云恍惚中隨以往見新舊交代委某代爲經畫並有遺囑家人語後豫計至與其所言卒日果同云

石井村諸生范鳴歧丹桂故友也桂歿後十餘年一夕夢來晤云余以職滿陞任幕中需人知君鯁直數且盡特延襄助范愕然

驚覺復寐則又夢云事已決期在明午急區處勿遲疑如是者
三寤述於家人咸不之信嘆咤不懌稍經理家事至午將出堂
見客足踰闕忽瞪目曰請者至矣眩而仆竟絕事與前說印知
不爲謬

城東南九十里有地名東溝口溝深處萬丈絕壁有棺在半崖間
鐵繩及樹根蟠結不墜亦不朽樵夫猿攀至其間以斧斫之去
斧木即合不識何木雖風雨漂搖常朱色李長吉謂天上葬神
仙或者其然

城東南百餘里有八寶洞洞中釜灶罌盂之數皆備牧豎山農雖
十數人借炊無不足者但其器可用而不可取一出洞口粉碎

矣

抱犢山在城東八十餘里陵田多确山上地獨沃山勢下縮上闊必側足乃可登耕田需牛然不能牽而上土人率擇小犢抱負而上飼之既長乃用以耕故名抱犢云

黑龍潭邑東南六十五里在隴谷深澗中天旱求雨者蹣跚至大石上跪投牒文牒文順壁而下入潭徐漩入淵若受牒不出三日必雨若不受飯頃牒復浮水面必有颶風吹之貼石壁間字不倒紙亦不腐俗傳有樵夫伐木誤落木屑於潭中須臾黑雲從潭出樵夫急行冰雹隨作奔避一洞雹猶橫飛而入哀祈良久乃免乾隆四十三年初夏早知縣程德炯步禱有應

黃公國燦順治初年任多善政嘗植松菊巘山久蔚成林陞遷後邑人於山廟殿左立祠肖公並像役其側越數年突有公鄉人至謂公瘡潰於足醫久不痊延巫禱巫言病在像因入祠覘公像足果爲雨漏所潰共詫歎召工黝塹而歸足疾旋愈此公生時之異也公歿二百餘年同治壬申工衆伐樹於山有木工李某素謾神游公祠中嘗像役爪碎像衣歸夕夢差拘曰役訴汝待質矣至則公已在堂指役訊李曰汝詈若何也李曰無之公曰詈固無憑碎其衣者非汝而誰李詞屈公命管押李懼不歸以親老懇甘受責公曰本宜笞杖念汝前身諸生即從教刑可也遂戒飭四十曰此尙不足以懲復罰冥資千有四陌折陽世

十四文殊書粘壁始遣差送歸先是工衆同李寢聞其應拘聲赴質狀氣息奄奄屢喚弗甦爲禱於神市香楮四色所費適符所罰之數李醒而述驚爲異覺兩腕痛楚異常每以其事語人猶畏公之生氣懍懍云

邑東北數十里無蠍相傳眞澤二仙事繼母時拾麥於斯因受蠍螫遂遺穗斯地俾生花以辟之花即以麥穗得名紅白二色他方移去即萎聞前有好事者在境外覓蠍持歸以驗眞僞蠍竟向西避不東行事亦奇

郝文忠公使宋十六年自眞州返至旅邸子采麟往迓未服禮服稽首牀前公向後墜臥不視退易其服復入見公始與語先輩

陝川縣志
卷一
教家之嚴如此

此條文集未載

邑西迤南有潭土人相傳稱黑龍潭往時或禱雨有應偶冬日水
堅時土人往過之潭冰洞澈若鏡光無纖翳中肆筵席若讌客
然供張鮮麗異常象箸瑤杯器具精巧肉如初出於釜蔬如新
翦於園珍錯肴核罕能識名爐香細裊椀茗餘溫盆花含蕊奇
石皴苔清供咸備諦觀良久走告所見於衆時天氣和暖遠近
相聞觀者絡繹殆十餘日後夜風陡起塵覆潭面無所見矣此
嘉慶末年事也光緒辛巳復見如前

邑楊村北有山聳峙自秦嶺蜿蜒而來狀似牛形俗呼牛山昔村
人往往聞有牛聲尋之不見所在咸疑爲山之精氣化牛而鳴

然一聞是聲村即遭凶逆事後延術師往治遂於山之東畔掘
出圓石二枚大可兩圍色青紋密術師云即此足以洩其氣也
且在山首山脊分建四塔以鎮壓之自是牛不復鳴一村安謐
然則吉凶禍福有關風水之說理或信然歟其石一已湮沒一
仍存村市是乃村人王鐘英茂才所備悉詳述者故誌云

以上
舊志

舊志八景一黃圍靈湫二秦嶺臥雲三仙臺勝概四靈泉瀑布五
錦屏朝霞六西溪春色七熊山吐月八龍門晚照就中黃圍靈
湫山勢奇峭雄厚幽邃在澤屬亦爲僅見其餘七景與之相較
實爲軒輊遠甚

民國十八年一月三十一日縣黨部奉省黨部令摧毀偶像城關

有民數十人擣毀黨部燒去一切公文

民國十二年知事劉鳳銘賠出常平倉虧短穀折價洋五百元後經覆量始知不虧遂呈省政府准令發當生息年利一分現已積至一千一二百元案存一科

吾陵向有煮賑每年自十一月十五日起至二月十五日止係官紳捐任設南北二廠北廠在崇安寺南廠在南廟亦有展一月

者抄程志

崇安寺大古鐘係宋崇寧元年二月十四日造

光緒二十六年義和拳匪起知事王承勳出示曉諭禁止幸未擴

大

吾陵當商乾隆三十七八年時共二十三家

抄程志

吾陵鹽價最低時爲制錢十七八文最高時爲五百四五十文

西溪二仙廟大門內東邊有李俊民撰書重修眞澤宮記文辭高逸書法古雅應爲吾陵古碑之極可貴者

關岳廟門外大石獅係乾隆五十一年造廟內東二門右有王琚撰石獅記文嵌入壁內

據故老言崇安寺大雄殿門內大石下係一深洞風力極勁昔年寺僧曾將家雞縋下及縋上時毛脫盡而雞死矣

東川有神倉公地四畝七分現爲建設局苗圃地

隋碑在冶頭鎮西北隅之乾山嶺隋文帝開皇間物也碑厚尺許

闊倍之高又倍之上鐫佛像下鐫佛家語原有碑亭亭壞後風雨剝蝕字跡模糊良可惜也

宋張耒陵川縣山水記云陵川河東之窮邑也其民蓋有唐晉之餘風儉樸而敦本而澤潞在唐爲雄鎮以精兵聞天下故其民好武爲健鬪夫以儉樸好武之民則其於山水奇勝之觀宜其忽而不治委棄而不惜也今縣令張侯以暇日與其僚遊於縣西南所謂四梁拒者見其風景稍異披榛而得二泉焉其一出石下激石而聲琅然張君名之漱玉其一出大石下而石狀若龜因名之曰龜泉會二水而注之石螭之口以下達於大池構亭於泉側名曰爽氣亭後爲石磴磴窮爲小亭名之曰白雲軒

而其喬林秀木水石奇麗之狀皆悅可人意而不可以言盡也
孔子曰仁者樂山智者樂水夫盡仁則成名必若堯舜而語智
之正必若禹然世之好山水者豈皆具聖人之成德哉予以爲
凡安靜可久淳厚而不變者皆仁之類也臨事而不滯遇物而
不感者皆智之類也張君從予遊其行已操術其爲仁智之類
有餘矣而又好學而甚文予意其爲政滋久政事日信于民以
其簿書之簡日徜徉于山水之間仰喬木而俯清泉資之以烟
雲魚鳥之麗把酒賦詩與夫雜見于文字言語者將超然出塵
拔俗而恨未見之也

見柯山集
卷四十一

勘誤

目錄數頁數行

數

誤

正

書院下應隔一字

一一一

一八

今

令

一一一

一八

至里

里至

一一一

三三

一百五十

九十五

一一一

三三

五

八

一一一

十四

揚

楊

一一一

十四

五

八

一一一

二十九

五

應低格

一一一

二二

岩

人

一一一

二二

築

築

一一一

二二

岩

寶字應排三行首格

一一一

二二

五

寶字應排三行首格

一一一

二二

五

寶字應排三行首格

一一一

二二

五

寶字應排三行首格

一一一

二二

五

寶字應排三行首格

一一一

二二

五

寶字應排三行首格

一一一

二二

五

寶字應排三行首格

此卷凡界牌均應改作界碑

衡道愁贖

衡遁愁贖

九九九九九八八八八七七七七七七

五四四四四十八十八十五十四九十九十八十四十四十一九九

四十六四十二十二九十二一六十二九十九十八十二九一

西廡壞三字應排於十三行霉變穀下
最字下脫曹字
兩朱

馬君輔

馮君輔

米

朱

吏日

困弋

敝誦銑例李

澤字下脫州字
數字下脫千字

復字下脫衷字

敝頌銑列先

史日

困戈

九九九九九九九九九九九九九九九九

十七十五十四十二十二十十九八七六六六五五五

八四九十三七三十二九八九九十六十三八六五五

諸辭牲入扶日 自未刹名 比正脾人問

修撰下誤空一格

留字下脫之字

詣鮮牲人扶日 目末弒召字北至脾入問

九九九九九九九九九九九九九九九九

三八三八三八三六三四二七二七二七二五二五二五二二一十八十八十七十七

七七六十二二十九十三十九九九二八十二七九八

武岩經未樂膝載幕勸光輦婚誑盧賓里魔

文岩濟未繼膝戴募勸先輩緝誑盧賓理磨

九九九九九九九九九九九九九九九九

四七 四五 四五 四五 四五 四四 四三 四三 四三 四三 四三 四二 四一 四一 四〇

二 十 十 六 三 十七 十七 十七 十一 十四 六 四 一 三 十七 四 六

于遊 屬爰塞 又 遂頑受光苦著 懸

卒字下脫成字 歷

員字下脫外字 隨

事字下脫聞字 又

泗字下誤隔一字 屢

子 遊

子 遊

九九九九九九九九九九九九九九九九

五五五五五五五五四四四四四四四四七七七七

十九十八十五四二十十八十七四七四二十五一十九十九十六十三

舉舉 飢年飢靈予亨由未安子眺城弟

三子下脫訥字
惜字下脫之字

一字衍！ 饑德饑盧長享生末款字畎成長

卷九下

九九九九九九九九九九

三四三三三一三四 二四九 七 三 五八 五七 五七 五七 五六 五六 五六 五六 五五

此卷凡有現年若干歲者應一律刪去

十一 五 五 十一 十六 三 十七 三 十一 九 八九間 二十 二十 十九 十六 二十

終夜 晝 白 巖 經 祁 遇 闕 圍 雲 逾 焉 宜議即 誕 宗

冬夜 書 白 巖 終 祀 逾 闕 羅字下脫神字 團 虐 愈 愈 鳴 宜議郎 延 完

十 十 十 十 十 十 十 十

二 三 十 十 十 十 十 十
四 二 八 七 七 七 五 五

十 十
五 九 五 二 五 三 九 九

感 蜒 日 派 翻 擊 里 鄉

惑 蜒 日 派 翻 東 重 鄉